



UNIVERSITÄTS-
BIBLIOTHEK
PADERBORN

Universitätsbibliothek Paderborn

Antonii Svcqv̄et E Societate Iesv Via Vitæ Æternæ

Sucquet, Antoine

Antverpiae, 1630

Cap. 19. de imitatione B. V.

[urn:nbn:de:hbz:466:1-54856](https://nbn-resolving.org/urn:nbn:de:hbz:466:1-54856)

CAPVT XIX.

Meditatio de B. Virginis imitatione.

COMPOSITIO LOCI. Contemplare Beatam Virgine-
nem in medio paradisi amplissimi, stipatam undi-
que Angelorum & Sanctorum agminibus.

PRÆLVDIVM II. Roga illam, ut tibi dignetur sin-
gularem erga se affectum impetrare.

*Cognitio sui
& humili-
tas.*

PARS I. Considera, quomodo Beata Virgo erga se
affecta fuerit: utque mox creata abyssum erga se divi-
næ bonitatis intuita, se velut nihilum & abyssum mise-
riarum contempserit: etsi enim cognosceret pleno in-
tellectu, se tantis donis ornata; videbat tamen mani-
festè cuius illa essent, Dei scilicet, ac nihil eorum sibi
deberi; sed potuisse in omnes miseras, quemadmodum
ceteri hominum, cadere, ac proinde non esse quòd ali-
cui se præferret, sed Deo pro omnibus plurimum de-
bere: neque quidquam posse persolvere. ita extra se in
Deo posita cantabat ex tunc, *Magnificat anima mea Do-
minum*; eò certè magis, quo se magis annihilabat. Scruta-
re & tu originem tuam, ac nihilum, ubi fueris ante
annos tot N. ubi post centum futurus sis, & divinæ bo-
nitatis abyssum & beneficia erga te contemplare, &
dic. *O Maria*, &c. ut infra pag. 1029.

Luc. 1.

Secundò, cum verò iam nata esset, attende & vide
maturitatem, pietatem, nihil quidem nisi infantile præ-
se ferebat, attamen undique virtus elucebat. Aspice
ut anima illa beatissima se erga Deum, erga parentes,
aliosque omnes habuerit; quo sensu ex tunc sacra om-
nia & caelestia corpora intueretur, & sic statue imitari
& excita contritionem de offensis tuis.

Præsentatio.

Obedientia.

Tertiò, contemplare quomodo trimula in templum
ascenderit, erga Superiores, æquales, ibi se habuerit: an-
cillaria opera cuique deferebat, in omnibus promptis-
sima cum gestu humili, facie ad omnem modestiam
com-

composita, ita ut quotquot illam viderent, humilitatis & castitatis affectum induere cogerentur: hæc in te effinge ad pulcherrimum exemplar & humilitatis exercitio insiste ut sup. Quartò, cum autem nubilem se sciret, contemplationi altissimæ dedita, si legi parendum foret, valdè optabat salvâ virginitate humilem & abjectum sponsum, ei que deservire, & parere uti etiam reipsâ præstitit, & in omnibus obediens fuit: & ne se fortè honoraret S. Ioseph, ecce quomodo, secretum omne reticuit incarnationis Filii Dei, verùm cum illud declarasset Deus sanctæ Elisabethæ, omnia Deo festinauit tribuere, eumque magnificare. Ex hac eadem humilitate in congressibus primum aliis ubique locum cedebat, ultrò officiis omnes & honore præveniebat, ut apparuit dum Elizabetham visitavit: leges etiam quæ peccatum supponebat, ut purificationis, libenter servabat. Hic te examina ad hanc regulam & normam, & contritionem excita, proposita renova. *O Maria*, ut infr. pag. 1029. Quia verò crescebat cum filio ætate & gratiâ coram Deo & hominibus; ipso nato humilitatem majorem & deinde paupertatē in Bethleem, in Nazareth, & Ægypto servabat: Regibus omnibus, & omnibus etiam inferioribus libenter parebat, neque petebat sedere à dextris vel sinistris; sed, cum potuisset dispensatione filii, Apostoli & Sacerdotis munus consequi, maluit in humilitate servire, quàm privilegio exaltari. Tandem in morte Domini juxta crucem stetit, ut particeps injuriarum fieret, & in corde suo filii dolores altiùs imprimeret. Cum verò post ascensionem cum Apostolis expectaret Spiritum sanctum, humiliter postremò se loco collocavit, & deinceps cum pauperibus viduis humillimè vixit. Percurre nunc diem tuum cum illâ, & vide singula opera. v.g. quomodo in oratione, cubiculo, per domum, ambulando, colloquendo, edendo, dormiendo, &c. se habuerit. Ex hac virtute, purissima sequebatur intentio, cujus defectu

vide

*Puritas.**Luc. i.**Profectus.*

vide quàm sæpè tua opera inficiantur. Nullius creaturæ amore inordinatè tenebatur, sed sensualitati ubiq; resistebat. quod unicum impedimentum amoris Dei in te recognosce: *Humilitatem exerce*, ut supr. vel dic: *O Maria* ut infr. pag. 1029.

*Charitas
proximi.*

*Quomodo
erga bonos
afficeretur.*

*Quomodo
erga malos.
Patientia.*

*Zelus ani-
marum.*

PARS II. Considera Primò, quomodo B. Virgo erga homines omnes afficiebatur, summo scilicet affectu, tum ex naturæ similitudine, tum quòd essent imago Dei suiq; filii, hereditas ejus, & proinde etiam suo sanguine redempti. Vide quo affectu bonos intuebatur, nempe ut subditos, amicos & filios sibi in cruce commendatos: inspice cogitationes ejus, & audi suavissima zelo plenissima verba. Nulla mater sic filios, ut ipsa eos, amabat, & amat: uti amantiissima mater ijs gratulabatur, & eorum lucra, ut sua bona reputabat, & ad Deum omnium fontem recurrebat, & gratias agebat. Verù, ut est amor sollicitus, videns posse deficere, vehementi oratione Deum Patrem Filiumq; rogabat; dicens. Conserva hoc Deus quod operatus es in nobis, &c. Imitare & dic: *O Maria*, ut infr. pa. 1029. Secundò, si malos videbat, multà amaritudine cordis, sed tamen dulcedine amoris plena ijs compatiebatur: omnia in melius interpretabatur; patienter tolerabat, cogitans sibi idem accidere potuisse; sanè ut imagines Dei diligebat, & velut ambulantes in crepidine putei infernalis, circumdatos vinculis peccati & dæmonibus videbat, ac retrahere, convertere & animare conabatur: & ad Deum conversa ardentissimo zelo succensa æstuabat. O quoties cum Paulo optabat anathema esse; cum Moysè, deleri de libro vitæ, ut illi viverent, In me, agebat amantiissima mater, sit maledictio; fili mi, parce, parce. Obsecro te, vide ardentissimum & piensissimum pectus, aspice ut lacrymosis oculis & amoris sagittis sursum missis pro peccatorum conversione sit solita orare, & pro tuâ orârit, & ei gratias age, & dic: *O Maria*, ut infr. pag. 1029. Postea ubi poterat peccato-

res

res serenissimo vultu & suavi eloquio super mel & favum hortare & trahere conabatur. O quomodo, quo amplexu, & gaudio poenitentem Magdalenam suscepit! quo Petrum lapsum! quo te prodigum & derelictum! &c. Gratias age, & dic: O Maria, ut inf. pag. 1029.

Tertio, si videbat pauperes, nunquid putas eos particulariter amabat, ut filio similiores? uti Reges regum filios majori benevolentia prosequuntur? O quam libenter cum iis versabatur, filium imitata qui pastores, piscatores & pauperes vocabat, euangelizabat. Si divites & potentes videbat, illorum sortem miserabatur, cogitando illa filii sui amantissimi verba: Vae vobis divitibus; & aiebat: O quam est difficile divites intrare in regnum filii mei! Imitare, & roga ut gratiam tibi impetret. O Maria, ut infr. pag. 1029. Erga Superiores admodum erat affecta, ac proinde magna reverentia eos prosequabatur; eisque cum amore & gaudio parebat ad nutum, ut declaravit primo in parentibus, inde Praefectis templi, tum S. Josepho: nihil quoad poterat, sine eorum faciebat arbitrio, sed per plenam abnegationem in voluntatem Dei se resignabat, eam medullitus amplectebatur cum magna in Deum fiducia: ut clarissime docuit in Incarnatione, item dum in Aegyptum eundum, & inde fuit redeundum, &c. Tu obedientiae affectum exerce & dic: O Maria, ut inf. p. 1029.

PARS III. Considera quomodo erga omnia creata fuerit affecta, ita certe, ut nihil appeteret, fugeret, optaret, nisi in quantum Deus vellet, & ad ejus purum honorem pertineret; unde quocumque eventu quieta & libera erat: nihil enim creaturis, sed Deo immediate, & Dei providentiae assignabat, eique se aequo ac imperturbato animo supra vicissitudines rerum humanarum secura committebat; vide ut paupertatem in filii nativitate & reliqua vita, deinde exilium, & persecutiones suas & filii toleravit. Tu in patientia te exerce, & dic: O Maria, ut infr. pag. 1029.

T r r

Secundus

Quomodo
erga pauperes
affecta.

Quomodo
erga Superiores.

Quomodo
erga creata
affecta.

Mortificatio

Secundò, considera quantâ in omnibus sensibus mortificatione usa fuerit, quomodo eorum oblectamenta fugerit. Vide hic ambulantiem, loquentem, laborantiem, orantiem, & contemplare oculorû modestiam, silentium, aut brevem, suavem, & pacificum sermonem. Vnum enim quærebat, & in uno omnia inveniebat. O Domina mea, & verè suavissima Mater, quàm beata anima illa quæ te Reginam cæli in istis imitati conatur! Conor, sed eheu dereliquerunt me vires meæ. O *Maria*, ut infr. pag. 1019.

*Charitas
Dei.*

Postremò considera, quo erga Deum fuerit affectu; verè purissimus amor ejus erat, quo urgente, vanis omnibus phantasiis exclusis libero mentis volatu in omni loco ac tempore mentem levabat, unam Dei voluntatem volebat, & collectis animæ viribus intra se habitabat, & simul in Deo manebat, & eructabat verbû bonum, & eum ardentissimè amabat & laudabat, Nihil amabat nisi Deum quasi Deus solus & ipsa sola in mundo essent, sive domi, sive foris, ubique Deo erat intenta, & semper videbat faciem Patris habendo cor elevatum in eum & supra omnia humana: hoc perfectionis compendium omnes dicunt. Crede & sequere & dic: O *Maria*, ut infr. pag. 1029.

Considera etiam dulcissimos affectus amoris quos in Christi infantiâ exercuerit in Bethlehem, in Ægypto, in Nazareth, amplexus, oscula, obsequia dulciora super mel & favum. Tu etiam Christi infantiam mente percutte, & imitare matrem ut à filio diligaris, & dic, O *Maria*, ut infr. pag. 1029. Tertiò considera jam quanta majestas & dignitas B. Mariæ: & finge tibi hominè secundùm corpus, pulcherrimum mortalium & absolutissimum; secundùm animam, eiûsq; potentias, perfectissimum, quiq; omnes omnium Sanctorum virtutes, v.g. humilitatem S. Francisci, Pauli charitatem longè superaret; & gratiâ haberet, quâ in Deum planè transformaretur; & decorè, quo omnes Angelos & Sanctos

*Dignitas B.
Virginis.*

supera

superaret; quanti hunc faceres? quid si illum insuper Deus summis honoribus dignaretur, & in eo ornando totus foret, ei que omnes subicere vellet, quantus is foret! Cùm hæc cogitaris, levissimè adumbrasse te noveris abyssum gratiæ, pulchritudinis oceanum, gratiarum thesaurum, Dei (inquam) matrem, quo titulo nullus esse major potest: ac proinde scias Deo gratius hanc unam coli, quàm omnes Angelos & Sanctos: hancque unam esse Deo gratiorem & magis charam (est enim mater Dei) quàm omnes simul, ut luna plus omnibus stellis lucet. ac proinde ei te consecra toto corde & totâ mente: si enim quod uni ex minimis ejus fit, illius filius sibi fieri dixit, quanto quanto magis quod suæ filii matris sanctissimæ? *O Maria*, ut hîc infra.

Quam gratum sit Deo coli matrem ejus.

Considera quæ beneficia à B. Virgine acceperis: tu & tui in omni ætate, & gratias age, & vide ut nullus prope sit angulus orbis, ubi non clareat miraculis, & singularia conferat beneficia, & fiduciam excita. Considera deinde, quæ non Sancti N. ab illâ impetrarint, & quem affectum erga eam gesserint, ut meritò dicatur, illius peculiari cultui deditum esse, nō leve signum esse prædestinationis. Tu ergo id stude acquirere omni ardore. Considera denique quomodo S. Spiritus Ecclesiæ inspiravit hunc cultum hyperdulciæ, ut apparet primò in *Salve Regina*. Secundò in templis, festis, sodalitatibus, ordinibus ad hoc erectis; in omni officio, Missis, horis, psalteriis, rosariis, in pulsu trino per diem, &c. Et vide quo pacto Ecclesiam audias, quomodo augere cultum ejus queas, & certam hoc pacto facere vocationem tuam.

Oratio ad B. Virginem.

O Maria Regina celi & terra, & quod peccatori dulcius sonat, misericordia Mater, tu mea es & spes omnium in te sperantium, & refugium omnium miserorum; ne averseris ergo me miserum, misericordia mater, memento quod miser

III 2

seras

cordia tua de miserorum numero in filiorum tuorum sortem cupiam transire, & virtutes tuas N. sic imitari per gratiam filii tui. O quàm doleo propter amorem filii tui Dei mei, de torpore & peccatis meis! sed venio, ô mater, ô civitas refugij ad te, & post Deum omnem spem in te colloco, & me toto corde devoveo tibi obsequioq; tuo. Ad te enim sicut ad medium, sicut ad arcem Dei, sicut ad presidium, sicut ad negotium saculorum respiciunt & qui in calo habitant, & qui in inferno; & qui nos precesserunt, & nos qui sumus, & qui sequuntur, & nati natorum, & qui nascentur ab illis. Illi qui sunt in calo, ut resarciantur; & qui in inferno, ut eripiantur; qui precesserunt, ut Propheta fideles inveniantur; & qui sequuntur, ut glorificentur. Eo beatam te dicunt omnes generationes, genitrix Dei, Domina mundi, cali Regina, qua omnibus generationibus vitam & gloriam genuisti. In te enim Angeli latitiam, justis gloriam, peccatores veniam inveniunt in æternum. Merito in te respiciunt oculi totius creature; quia per te, & in te, & de te, benigna manus Omnipotentis quidquid creaverat recreavit. Ego tali animatus fiducia, Mater pientissima, venio sicuti ad unicum asylum & refugium meum, respice, precor, ad servi tui & filij ancilla tue preces: respice ad necessitates has meas, & dirige pedes in semitam mandatorum filii tui.

Prov. 8.

Nunquid ab aeterno ordinata es, & antequam terra fieret, ut ad te oculus is attolleret, quem premeret culpa deprimeret afflictio; peccati reus, salutis incertus, & ab omnibus derelictus, ut in te, & per te, inveniret reus veniam, afflictus consolationem, derelictus asylum, insipiens sapientiam, peccator justitiam, justus perseverantiam? Vrbs verè refugij, portus naufragantium, & solatium omnium in te sperantium. Tu stella maris, cujus radius universum orbem illuminat, cujus fulgor & perfulget in supernis, & inferos penetrat, terras etiam perlustrans, & calefaciens magis mentes quàm corpora, fovet virtutes, excoquit vitia. Tu, inquam, es præclara & eximia stella, super hoc mare magnum & spaciosum necessario sublevata, micans meritis, illustrans exemplis. O anima mea, qua intelligis te in seculi huius profusio magis inter procellas & tempestates fluctuare, quàm per

Bern. hom.
2. super
Missus.

per terram ambulare; ne avertas oculos à fulgore huius sideris, si non vis obrui procellis, si insurgant venti tentationem, si incurras scopulos tribulationum, respice stellam, voca Mariam; si jactata superbie undis, si ambitionis, si detractionis, si emulationis, respice stellam, voca Mariam; si acedia iracundia aut avaritia, aut carnis illecebra naviculam concusserit mentis, respice ad Mariam; si criminum immanitate turbata, conscientie fœditate confusa, iudicis horrore perterrita, barathro incipias absorberi tristitia, desperationis abyssso, cogita Mariam. In periculo, in angustiis, in rebus dubiis Mariam cogita, Mariam invoca: non recedat ab ore, non recedat à corde, & ut impetres ejus orationis suffragium, ne deseras ejus conversationis exemplum: ipsam sequens, non devias; ipsam rogans, non desperas, ipsam cogitans, non erras; ipsam tenente, non corruis; ipsam protegente, non metuis; ipsam duce, non fatigaris; ipsam propitiâ, pervenis; & sic in temetipso experiris, quàm meritò dictum sit, Et nomen Virginis Maria.

Verè stella maris es, ô Domina mea, & pulcherrima aurora consurgens, nuncia solis Domini JESU, nuncia verè salutis. O felix sidus sedentibus in regione & umbrâ mortis! Tu Domina es; Prov. 31. nam & hoc sonat nomen tuum, nos servi tui; tu Regina es, nos clientes tui; tu es spes universa terra, tu honorificentia gentis nostrae, tu gloria Ierusalem. multa filia congregaverunt divitias, tu supergressa es universas. Tu velut Esther Assuerum, Ester. 2. Deum Patrem placasti, & invenisti gratiam in oculis eius. Tu Iudith vera Holofernum diabolum superasti. Cant. 4. Recordare, Damina, quod propter nos, & ex nobis exaltata sis: tu soror, tu mater nostra es, tu rota pulcra es, formosa, & macula non est in te, ut cum inveneris gratiam apud Deum, nos eheu! misericordiam inveniamus per te, Mater nostra, apud Patrem misericordiarum, & Deum totius consolationis filium tuum, redemptorem nostrum.

Hodie spero oportet eum in domo meâ manere. quid verò apponam ei? pauper & miser, ô benignissima mater? In deserto Angeli ministrabant ei de cibis quos coxeras, sicut tu & illi velle tum noverant. Itaque Domina mea, obsecro te, recordare pauperatis

pertatis mea, & impetra mihi ut habeam quod ponam ante ih-
 lum, & placeat illi cor meum, & frigida hac desideria mea in
 terrâ deserta, in viâ & in aquosâ. Vinum non est in nuptiis his,
 sed memento queso pristinae benignitatis tuae. Et verò quomodo
 posses oblivisci nos qui sumus de familiâ, & de domo Patris tui?
 introduxit enim te Rex in cellam vinariam, & ordinavit in te
 charitatem, ut quantum exaltata es super celos, tantum mis-
 ricordia radiis splendeas in terris. Tu es enim mater pulchra dile-
 ctionis, & timoris, & agnitionis, & sanctae spei: in te gratia
 omnis viae & veritatis, in te omnis spes vitae & virtutis. meridi-
 igitur ad te levavi oculos meos, quae habitas in caelis, & omnia
 gubernas in terris. Tu, si vis, potes me juvare: omnia tibi data
 sunt à filio tuo; ut dicat iure servus quidam tuus. Ex ore tuo
 pendet consolatio miserorum, redemptio captivorum, liberatio
 damnatorum, salus denique uniuersorum. Altius ergo intueor
 quanto devotionis affectu à nobis te voluerit honorari, qui to-
 tius mundi pulchritudinem in te posuit, ô Maria: ut si quid spei,
 si quid gratiae, si quid salutis in nobis sit, à te noverimus redun-
 dare.

Ecclesi. 14.

Bern. hom.
4. super
Missus.Bern. serm.
de nativitate
Virg.

Totis ergo medullis cordium, totis praecordiorum affectibus, &
 totis omnibus Mariam hanc veneremur, anima mea, quia sic est
 voluntas eius, qui totum nos habere voluit per Mariam; hac, in-
 quam, voluntas eius est, sed pro nobis. In omnibus siquidem beni-
 gnitas eius, & per omnia providens miseris, tentationem nostrâ
 solatur, fidem excitat, spem roborat, dissidentiam abigit, erigit
 pusillanimitatem. Virgo, regia via est, per quam ad nos Salva-
 tor venit, procedens ex eius utero, tamquam sponsus de thalamo.
 Tenentes ergo viam, ô anima mea, studeamus & nos per eam ad
 ipsum ascendere, qui per ipsam ad nos descendit; per eam venire
 in gratiam ipsius, qui per eam in nostram miseriam adventit.
 queramus gratiam, & per Mariam queramus, quia qui quaerit
 invenit, & frustrari non potest.

Bern. serm.
de Adventu.

Advocatum vis habere ad Christum, ô anima mea? ad Ma-
 riam recurre: exaudiet certè matrem filius. Ceterum quidquid
 illud est, quod efferre paras. Maria commendare memento, si non
 vis sustinere repulsam. Hec peccatorum scala, hac mea, ô Domi-
 na,

na, maxima fiducia est, hac tota ratio spei mee. Sileat, misericordiam tuam, Virgo beata, si quis est qui invocatam te in necessitatibus suis sibi meminerit defuisse. A seculo non est auditum, quemquam ad tua currentem presidia, tua implorantem auxilia, tua petentem suffragia, à te esse derelictum. Sit igitur pietatis tua, Virgo benedicta, ipsam quam apud Deum invenisti gratiam, notam facere mundo, reis veniam, medelam agris, pusillis corde robur, afflictis consolationem, periclitantibus adjutorium, & liberationem sanctis tuis precibus obtinendo. Amen.

De assum.
B. Virg.
serm. 4.

Praxis colendi B. Virginem.

PRIMA. Habere in numerato beneficia, quæ per eam obtinimus, atque his ignem charitatis ejus fovere in pectore nostro, & diebus ejus festis solemnem memoriam facere, ac gratitudinem animi declarare.

Beneficia à
B. Virgine
accepta an-
notanda.

Secunda. Ex gratitudinis & amoris affectu Sodalitati nomen dare, & leges servare, ac conari aliquos inducere ad illius peculiarem cultum, maximè Sodalitatis erectionem, aut propagationem curare. Triste certè est, videre honori duci, & ambitiosè peti, aliquà ratione ascribi Principum familiarum, Societati sagittariorum, & ejusmodi; & ægrè adduci posse ut B. Virginis Sodalitati se quis adjungat. Molestiam fingere, & fugere aliquam, est affectum exiguum erga Salutis certissimum præsidium profiteri.

Sodalitati
nomen dare
expedit.

Tertia. Sapè Salutationem Angelicam recitare. Sancta Margareta Hungarica ad singulas imagines B. Virginis accurrens flexis genibus eam pronunciabat: B. Catharina Senensis, etiam infantula, ad singulos gradus: idque gratulando ei maternitatem Dei, in quo privilegio omnia continentur. Ideò S. Odilo ad illum Hymni, *Te Deum, versam, Tu ad liberandum suscepturus hominem non horruisti Virginis uterum*; demissè se flectebat: possetque quis in secreto terram osculari. Quamvis autem vario sine illam Salutationem frequentare licet; tamen cum Maria Virgo sola cunctas hæreses interemerit in universo mundo; pro iis extirpandis, & Ecclesiæ defensione, sapè id faciendum est.

Angelicæ
orationis
fructus.

Quarta. Nihil aggredi, quin illi & per illam primitiæ Deo offerantur.

Offer Deo
per B. Virg.
tua munera.

Quinta. Manè & vesperi, ac in prandio, dum pulsatur, eam sibi præsentem facere, benedictionem ab eâ perere: cui enim illa benedixerit, erit benedictus: & iterum per orationem, Sancta

Maria.

Maria, eam in patronam eligere: & vota, qui Religiosus est, mente renovare in manibus ejus.

*Tria quoti-
die fac pro
B. Virg.
Praxes va-
ria.
Indulgentia
dicentium
Ave.*

Sexta. Tria quotidie facere ad ejus honorem, Primum, legere aliquas preces, v.g. quinque Psalmos, quorum initiales litterae respondent litteris nominis ejus, vel Antiphonam, vel Psalteriū D. Bonaventurae, vel Horas B. Virginis: salutare eam in egressu & ingressu cubiculi, domus, & occurrente imagine ejus: Litanias recitare pro felici morte; *Magnificat* pro gratulatione de gloriā, & dignitate ejus. Pontifex Paulus V. concessit recitantibus *Ave* ad hora: pulsū centum dies Indulgentiarum. Secundum, facere aliquam mortificationem, tum corporalem, tum animi, ut sequaris conversationis. Mariae exemplum, maximè verò imagines turpes eliminare, & pias substituere. Ieiunium Sabbatum ab omnibus ferè probis usurpatur, immò in pluribus regnis ab omnibus servari solitum. Tertium, facere aliquam eleemosynam corporalem, aut spirituales, dotare virgines nobiles, aut ad Religionem aspirantes sanè laudabile, uti & facere sermonem crebrò de miraculis & cultu B. Virginis, cum publicè dicendum. Rosarium recitare, ad orationem quidem refertur. sed peculiarem tractationem desiderat, quam longiorem cum aliis, ut brevior sum, in aliud tempus rejicio, cum Domino visum fuerit.

Septima. Circa lectionem rosarii verbum tantum addam. nimirum, ut in aliis orationibus, sic & in hac preparationem aliquam necessariam videri: ac Primò, praesentia Dei renovam memoriam; Secundò, mysterium aliquod brevi spatio expendam. Primò, ad *Credo*, fidem vivam excita. deinde in tribus Salutationibus primis spem, resignationem & charitatem: ad orationem Dominicam, ut aliqui, intentione etiam potes renovare, vel salutare vulnera Christi: deinde Salutationem Angelicam, ut B. Virgini praesenti, recita. Potes etiam cū variis Sanctorum choris id facere, v.g. in Primā decade. cum Angelis; Secundā, cum Patriarchis; Tertiā cum Apostolis; Quartā, cum Martyribus; Quintā, cum Confessoribus; Sexta, cum Virginibus. Sunt qui virtutem aliquam, per eam ut matrem optimā in singulis mysteriis petunt, & eandem ab illā commodant: ac, cum dicunt *Ave Maria*, mente addunt, *humillima*, v.g. Mysteria vulgò haec assignantur:

Caroli.

1. Annuntiatio Dominicæ incarnationis. 2. Visitatio Elisabeth. 3. Nativitas Domini. 4. Oblatio Christi in templo. 5. Inventio pueri IESU inter Doctores.

Doloris.

1. Oratio & captivitas Christi in horto, 2. flagellatio, 3. coronatio, 4. Baiulatio crucis. 5. Crucifixio & mors Christi.

1. Re

1. Resurrectio Domini. 2. Ascensio eius in cælum. 3. Missio Spiritus sancti. 4. Assumptio B. Mariæ in cælum. 5. Coronatio B. Mariæ.

Ludovici Blossij Rosarium, seu sertum B. Virginis Mariæ quinque-partitum, vitâ & gestis IESV Christi pulchrè exornatum.

PARS I.

Pater noster, &c. Ave Maria, &c. O benigna & suavis Maria, Placa clementissimum Redemptorem nostrum IESVM, quem tu Virgo purissima Angelo nuntiante de Spiritu sancto in civitate Nazareth concepisti, ac novem mensibus in castissimo utero tuo gestasti, Fac ut ipsi dulcissimo filio tuo IESV Christo placeamus, & eum teque videre mereamur in calis, Amen.

Ave Maria, &c. O benigna & suavis Maria, Placa clementissimum Redemptorem nostrum IESVM, quo concepto, tu Deo plena ad Elisabeth cognatam tuam cum festinatione perrexisti, & eam salutasti, eiq; humiliter servivisti. Fac ut ipsi dulcissimo filio tuo IESV Christo placeamus, & eum teque videre mereamur in calis, Amen.

Ave Maria, &c. O benigna & suavis Maria, placa clementissimum Redemptorem nostrum IESVM, quem in Bethleem, in vili stabulo tu Virgo inviolata non solum sine dolore, sed etiam cum ineffabili gaudio peperisti, natumq; mox ut verum Deum devotâ mente adorasti. Fac ut ipsi dulcissimo filio tuo IESV Christo placeamus, & eum teque videre mereamur in calis, Amen.

Ave Maria, &c. O benigna & suavis Maria, Placa clementissimum Redemptorem nostrum IESVM, quem infantulum vagientem virgineo lacte pavisti, panniculisq; involatum in praesepio super fœnum & stipulas reclinasti. Fac ut ipsi dulcissimo filio tuo IESV Christo placeamus, & eum teque videre mereamur in calis, Amen.

Ave Maria, &c. O benigna & suavis Maria, placa clementissimū Redemptorem nostrum IESVM, quem recens natum Angeli pastores gratulabundi nuncia verunt: & eum laetis vocibus collaudantes, pacem hominibus bona voluntatis cecinerunt. Fac ut ipsi dulcissimo filio tuo IESV Christo placeamus, & eum teq; videre mereamur in calis, Amen.

Ave Maria, &c. O benigna & suavis Maria, placa clementissimum Redemptorem nostrum IESVM, quem pastores festinanter pergentes in Bethleem, invenerunt positum in praesepio, & eum adoraverunt cum ingenti admiratione & gaudio, Fac ut ipsi dulcissimo filio tuo IESV Christo placeamus, & eum teq; videre mereamur in calis, Amen.

Ave Maria, &c. O benigna & suavis Maria, placā clementissimum Redemptorem nostrum IESVM, qui octavo à natiuitate suā die dignatus est purissimum sanguinem pro nobis fundere & circumcidi, atque ad nostram consolationem IESVS nominari. Fac ut ipsi dulcissimo filio tuo IESV Christo placeamus, & eum teque videre mereamur in celis, Amen.

Ave Maria, &c. O benigna & suavis Maria, placā clementissimum Redemptorem nostrum IESVM, quem Magi ab Oriente venientes piē quaeserunt, & magno gaudio perfusi stellā duce in Bethlehē inuenerunt: ibiq; illum humiliter adorantes, aurum, thūs, & myrrham deuotē ei obtulerunt. Fac ut ipsi dulcissimo filio tuo IESV Christo placeamus, & eum teque videre mereamur in celis, Amen.

Ave Maria, &c. O benigna & suavis Maria, placā clementissimum Redemptorem nostrum IESVM, quem die quadragesimo in templum iuxta legis praescriptum detulisti, & hostiā pauperum redemptum Deo Patri gratissimo corde obtulisti. Fac ut ipsi dulcissimo filio tuo IESV Christo placeamus, & eum teque videre mereamur in celis, Amen.

Ave Maria, &c. O benigna & suavis Maria, placā clementissimum Redemptorem nostrum IESVM, quem in Aegyptum propter metum Herodis, monitu Angeli mater fidelissima deportasti, tandemq; eum inde in ciuitatem Nazareth retulisti. Fac ut ipsi dulcissimo filio tuo IESV Christo placeamus, & eum teq; videre mereamur in celis, Amen.

Laus Trinitati fulgida, Patri, Nato, Paraclēto, laus Virgini Dipara, nunc & per omne saeculum, Amen.

P A R S I I.

Pater noster, &c. Ave Maria, &c. O benigna & suavis Maria, placā clementissimum Redemptorem nostrum IESVM, quem tu Virgo mater, cum esset annorum duodecim, in Ierusalem perdidisti, & eum mæsta requirens, post triduum in templo leta inuenisti. Fac ut ipsi dulcissimo filio tuo IESV Christo placeamus, & eum teq; videre mereamur in celis, Amen.

Ave Maria, &c. O benigna & suavis Maria, placā clementissimum Redemptorem nostrū IESVM, quem tibi subditum maternā curā sedulo enutristi, & nihilominus ei tamquam altissimo Deo sanctam reuerentiam semper exhibuisti. Fac ut ipsi dulcissimo Filio tuo IESV Christo placeamus, & eum teque videre mereamur in celis, Amen.

¶ Ave Maria, &c. O benigna & suavis Maria, placā clementissimum Redemptorem nostrum IESVM, qui anno a tavis suauitissima in Iordana

Iordano flumine humiliter à servo suo Ioanne baptizari voluit, cum tamen ipse innocens Agnus Dei nullam unquam peccati maculam contraxerit. Fac ut ipsi dulcissimo filio tuo IESU Christo placeamus, & eum teque videre mereamur in calis, Amen.

Ave Maria, &c. O benigna & suavis Maria, placata clementissimum Redemptorem nostrum IESVM, qui in deserto quadraginta diebus & quadraginta noctibus nihil manducans jejunavit, sicq; cum servis Domini cali & terra habitavit. Fac ut ipsi dulcissimo filio tuo IESU Christo placeamus, & eum teque videre mereamur in calis, Amen.

Ave Maria, &c. O benigna & suavis Maria, placata clementissimum Redemptorem nostrum IESVM, qui pro salute nostrâ tentari à diabolo non recusavit, & quomodo Satanam vincere nos oporteat, demonstravit. Fac ut ipsi dulcissimo filio tuo IESU Christo placeamus, & eum teque videre mereamur in calis, Amen.

Ave Maria, &c. O benigna & suavis Maria, placata clementissimum Redemptorem nostrum IESVM, qui per urbes, vicos & castella iter faciens, Evangelium regni celorum studiosè predicavit, & labores fatigationemq; corporis propter nos libenter sustinuit. Fac ut ipsi dulcissimo filio tuo IESU Christo placeamus, & eum teque videre mereamur in calis, Amen.

Ave Maria, &c. O benigna & suavis Maria, placata clementissimum Redemptorem nostrum IESVM, qui crebrò in oratione pernoctavit; & famem, sitim, frigus, æstum, variasq; persecutiones mitissimo corde nostro causâ pertulit, Fac ut ipsi dulcissimo filio tuo IESU Christo placeamus, & eum teque videre mereamur in calis, Amen.

Ave Maria, &c. O benigna & suavis Maria, placata clementissimum Redemptorem nostrum IESVM, qui conversans inter homines omnibus afflictis misericorditer subvenit; ac signa plurima fecit, & Maria Magdalena, aliisq; peccatoribus verè poenitentibus veniam promptissimè dedit, seque eis familiarem præbuit. Fac ut ipsi dulcissimo filio tuo IESU Christo placeamus, & eum teq; videre mereamur in calis. Amen.

Ave Maria, &c. O benigna & suavis Maria, placata clementissimum Redemptorem nostrum IESVM, qui coram tribus discipulis in monte transfiguratus, facie sicut sol refulsit, & excellentiam gloriosi corporis magnificè ostendit. Fac ut ipsi dulcissimo filio tuo IESU Christo placeamus, & eum teq; videre mereamur in calis, Amen.

Ave Maria, &c. O benigna & suavis Maria, Placata clementissimum Redemptorem nostrum IESVM, qui veniens Hierosolymam ut pro nobis pateretur, rex humilis & mansuetus asina insedit, atque inter laudes, quæ ei à populo canebantur, videns civitatē lacrymas effudit.

di

dit. *Fac ut ipsi dulcissimo filio tuo IESV Christo placeamus, & eum teq; videre mereamur in calis, Amen.*

Laus Trinitatis fulgide, Patri, Nato, Paraclito, laus Virgini Deipara, nunc & per omne saeculum, Amen.

P A R S I I I.

Pater noster, &c. Ave Maria, &c. O benigna & suavis Maria, Placa clementissimum Redemptorem nostrum IESVM, qui in cana novissima pedes discipulorum suorum positus genibus humiliter lavit: & praeclentissimum Eucharistiae Sacramentum inenarrabili charitate instituit. *Fac ut ipsi dulcissimo filio tuo IESV Christo placeamus, & eum teq; videre mereamur in calis, Amen.*

Ave Maria, &c. O benigna & suavis Maria, placa clementissimum Redemptorem nostrum IESVM, qui ingressus cum discipulis suis in hortum Oliueti, maximam tristitiam propter nos correptus fuit: & prolixè orans, sudorem sanguineum pro vehementia angustiarum toto corpore sudavit. *Fac ut ipsi dulcissimo filio tuo IESV Christo placeamus, & eum teq; videre mereamur in calis, Amen.*

Ave Maria, &c. O benigna & suavis Maria, placa clementissimum Redemptorem nostrum IESVM, qui inimicis suis obviam processit, eisq; ultro se obtulit, & à Iuda proditore osculum accipere non renuit. *Fac ut ipsi dulcissimo filio tuo IESV Christo placeamus, & eum teq; videre mereamur in calis, Amen.*

Ave Maria, &c. O benigna & suavis Maria, placa clementissimum Redemptorem nostrum IESVM, quem viri impii irreverenter comprehenderunt, & tamquam malefactorem ac latronem duris vinculis ignominiosè ligaverunt. *Fac ut ipsi dulcissimo filio tuo IESV Christo placeamus, & eum teq; videre mereamur in calis, Amen.*

Ave Maria, &c. O benigna & suavis Maria, placa clementissimum Redemptorem nostrum IESVM, qui vinculus ad pontificem cum opprobrio adductus fuit, & ab uno ministrorum ejus atrocem alapam suscepit. *Fac ut ipsi dulcissimo filio tuo IESV Christo placeamus, & eum teq; videre mereamur in calis, Amen.*

Ave Maria, &c. O benigna & suavis Maria, placa clementissimum Redemptorem nostrum IESVM, qui in domo Caipha falsis testibus fuit pressus, & putentibus sputus foedatus, & ludibriosè relatus, & colaphis alabisque inhumaniter casus, ac blasphemis indignissimè affectus. *Fac ut ipsi dulcissimo filio tuo IESV Christo placeamus, & eum teq; videre mereamur in calis, Amen.*

Ave Maria, &c. O benigna & suavis Maria, placa clementissimum Redemptorem nostrum IESVM, qui contempnibiliter ductus ad Pilatum, demisso placidoq; vultu coram eo stetit, & ad falsos Iudeo-

vum accusationes humiliter tacuit. Fac ut ipsi dulcissimo filio tuo IESV Christo placeamus, & eum teq; videre mereamur in calis, Amen.

Ave Maria, &c. O benigna & suavis Maria, placa clementissimum Redemptorem nostrum IESVM, quem Herodes ad se missum sapienterq; coram se silentem spreuit, & albâ ridiculaq; veste tamquam fatuum induit. Fac ut ipsi dulcissimo filio tuo IESV Christo placeamus, & eum teq; videre mereamur in calis, Amen.

Ave Maria, &c. O benigna & suavis Maria, placa clementissimum Redemptorem nostrum IESVM, qui in pratorio fuit dedecorose nudatus, & ad columnam inclementer ligatus, & flagris crudelissime conscissus, proprioque sanguine miserabiliter cruentatus. Fac ut ipsi dulcissimo filio tuo IESV Christo placeamus, & eum teque videre mereamur in calis, Amen.

Ave Maria, &c. O benigna & suavis Maria, placa clementissimum Redemptorem nostrum IESVM, quem homines iniqui chlamyde purpurâ ad majus ludibrium vestierunt, & acutis spinis coronaverunt, & nugatorie adoraverunt atque subsannaverunt, & arundine percusserunt, ac scædâ conspuerunt, & divi alapis ceciderunt. Fac ut ipsi dulcissimo filio tuo IESV Christo placeamus, & eum teque videre mereamur in calis, Amen.

Laus Trinitati fulgida, Patri, Nato, Paraclito, laus Virgini Deipara, nunc & per omne saculum, Amen.

P A R S I V.

Pater noster, &c. Ave Maria, &c. O benigna & suavis Maria, placa clementissimum Redemptorem nostrum IESVM, qui gestans coronam spineam & purpureum vestimentum, è pratorio fuit à Pilato productus, & Iudæis ostensus, atque ab eis ad mortem, crucis magno turbulentoque clamore postulatus. Fac ut ipsi dulcissimo filio tuo IESV Christo placeamus, & eum teque videre mereamur in calis, Amen.

Ave Maria, &c. O benigna & suavis Maria, placa clementissimum Redemptorem nostrum IESVM, quem Pilatus morti injuste adjudicavit, voluntatq; Iudæorum tradidit. Ipse erga mox ab eis trabe crucis oneratus, ignominiosum hoc lignum laceris humeris suis cum ingenti cruciati patienter bajulavit, factusq; opprobrium hominum & abjectio plebis humiliter ad Calvariam perrexit. Fac ut ipsi dulcissimo filio tuo IESV Christo placeamus, & eum teque videre mereamur in calis, Amen.

Ave Maria, &c. O benigna & suavis Maria, placa clementissimum Redemptorem nostrum IESVM, qui in loco Calvaria myrrhato sellisq; vino fuit potatus, ac vesilibus probrose nudatus, & manus

ac pedes clavīs atrociter perterebratus cruciq; affixus. Fac ut ipsi dulcissimo filio tuo IESV Christo placeamus, & eum teque videre mereamur in calis, Amen.

Ave Maria, &c. O benigna & suavis Maria, placā clementissimum Redemptorem nostrum IESVM, qui nudus, vulneratus & contemptus in ligno crucis pro nobis pependit, amarissimoq; doloris per tulit, ac preciosum sanguinem suum fudit. Fac ut ipsi dulcissimo filio tuo IESV Christo placeamus, & eum teque videre mereamur in calis, Amen.

Ave Maria, &c. O benigna & suavis Maria, placā clementissimum Redemptorem nostrum IESVM, qui cum mediis inter duos latrones in cruce penderet, & à Iudæo subann-retur, blasphemijq; impeteretur, humillimam patientiam exhibuit, & insuper pro blasphemis crucifixoribus suis Patrem exoravit. Fac ut ipsi dulcissimo filio tuo IESV Christo placeamus, & eum teq; videre mereamur in calis, Amen.

Ave Maria, &c. O benigna & suavis Maria, placā clementissimum Redemptorem nostrum IESVM, qui latroni vere penitenti peccata omnia misericorditer condonavit. & paradisi gaudia liberalissime promisit. Fac ut ipsi dulcissimo filio tuo IESV Christo placeamus, & eum teq; videre mereamur in calis, Amen.

Ave Maria, &c. O benigna & suavis Maria, placā clementissimum Redemptorem nostrum IESVM, qui tibi dulcissima genitrici sua sub cruce stanti atque acerbè dolenti intimè compassus est, & te Iohanni discipulo commendavit, eisque ac nobis omnibus in matrem dedit. Fac ut ipsi dulcissimo filio tuo IESV Christo placeamus, & eum teque videre mereamur in calis. Amen.

Ave Maria, &c. O benigna & suavis Maria, placā clementissimum Redemptorem nostrum IESVM, qui suam passionem sine aliquo sensibili consolationis relevamine toleravit: unde & gravitatem cruciatuum suorum indicans, se derelictum voce magnā clamavit. Fac ut ipsi dulcissimo filio tuo IESV Christo placeamus, & eum teque videre mereamur in calis, Amen.

Ave Maria, &c. O benigna & suavis Maria, placā clementissimum Redemptorem nostrum IESVM, qui exanguis in cruce pendens, se vehementer sitire est testatus, sed felle & aceto in extremā illā calamitate fuit potatus. Fac ut ipsi dulcissimo filio tuo IESV Christo placeamus, & eum teque videre mereamur in calis, Amen.

Ave Maria, &c. O benigna & suavis Maria, placā clementissimum Redemptorem nostrum IESVM, qui morie vicinus spiritum suum in manus Patris commendavit: jamque redemptionis nostræ opere consummato, bonus pastor animam pro ovis suis ex puro amore posuit. Fac ut ipsi dulcissimo filio tuo IESV Christo placeamus, & eum

Et eum teque videre mereamur in calis, Amen.

Laus Trinitati fulgida, Patri, Nato, Paracletico, laus Virgini Deipara, nunc & per omne saeculum, Amen.

P A R S V.

Pater noster, &c. Ave Maria, &c. O benigna & suavis Maria, Placa clementissimum Redemptorem nostrum IESVM, qui morte pro nobis in cruce gustata, mox ad inferna secundum animam ex summa charitate descendit, & electos suos potenter inde eripuit. Fac ut ipsi dulcissimo filio tuo IESV Christo placeamus, & eum teque videre mereamur in calis, Amen.

Ave Maria, &c. O benigna & suavis Maria, placa clementissimum Redemptorem nostrum IESVM, cuius sanctissimum latus, te presente, lancea apertum, & amorosum cor vulneratum fuit, unde nobis sanguis purpureus & aqua salutaris profluxit. Fac ut ipsi dulcissimo filio tuo IESV Christo placeamus, & eum teque videre mereamur in calis, Amen.

Ave Maria, &c. O benigna & suavis Maria, placa clementissimum Redemptorem nostrum IESVM, quem de cruce depositum in sinum gremiumque tuum (ut pie credimus) suscepisti, & lacrymis ubertim rigasti, eius oscula amanter impressisti. Fac ut ipsi dulcissimo filio tuo IESV Christo placeamus, & eum teque videre mereamur in calis, Amen.

Ave Maria, &c. O benigna & suavis Maria, placa clementissimum Redemptorem nostrum IESVM, cuius corpus sacratissimum Ioseph & Nicodemus pia devotione aromatibus condierunt, & sindone involuerunt, atque in sepulcro posuerunt. Fac ut ipsi dulcissimo filio tuo IESV Christo placeamus, & eum teque videre mereamur in calis, Amen.

Ave Maria, &c. O benigna & suavis Maria, placa clementissimum Redemptorem nostrum IESVM, qui tertia die victore clauso sigillatque sepulcro prodicens, a mortuis virtute propria surrexit, & te dilectam matrem suam ceterosque amicos suos optatissimo gaudio latificavit. Fac ut ipsi dulcissimo filio tuo IESV Christo placeamus, & eum teque videre mereamur in calis, Amen.

Ave Maria, &c. O benigna & suavis Maria, placa clementissimum Redemptorem nostrum IESVM, qui quadragesimo post resurrectionem suam die, in caelum gloriose ascendit, & ad dexteram Patris triumphator nobilis consedit. Fac ut ipsi dulcissimo filio tuo IESV Christo placeamus, & eum teque videre mereamur in calis, Amen.

Ave Maria, &c. O benigna & suavis Maria, Placa clementissimum Redemptorem nostrum IESVM, qui Spiritum sanctum in Apostolos aliosque fideles misit, & eos illo mirifice consolatus est, confortavit,

vit, illuminavit atque instruxit. Fac ut ipsi dulcissimo filio tuo IESV Christo placeamus, & eum teque videre mereamur in calis, Amen.

Ave Maria, &c. O benigna & suavis Maria, placida clementissimum Redemptorem nostrum IESVM, qui te charissimam genetricem suam in calum assumptam supra choros Angelorum exaltavit Regendamque & Imperatricem celsissimam constituit. Fac ut ipsi dulcissimo Filio tuo IESV Christo placeamus, & eum teque videre mereamur in calis, Amen.

Ave Maria, &c. O benigna & suavis Maria, placida clementissimum Redemptorem nostrum IESVM, qui in fine saculi venturus est iudex in maiestate magna, ut reddat reprobis horrenda supplicia, & iustis aeterna gaudia, Fac ut ipsi dulcissimo filio tuo IESV Christo placeamus, & eum teque videre mereamur in calis, Amen.

Ave Maria, &c. O benigna & suavis Maria, placida clementissimum Redemptorem nostrum IESVM, qui est amabilis & desiderabilis gloria Beatorum, atque cum Patre & Spiritu Sancto vivit & regnat Deus in sacula seculorum. Fac ut ipsi dulcissimo filio tuo IESV Christo placeamus, & eum teque videre mereamur in calis, Amen.

Laus Trinitati fulgida, Patri, Nato, Paraclito, laus Virgini Deipara, nunc & per omne seculum, Amen.

CAPVT XX.

Diarium sive actionum per diem ordinatio.

ETIAM Ethnici in eo perfectionem constituebant, ut quis agenda & modum prospiceret. Diogenes monere solitus ut priusquam quis mane egrederetur, quid dicendum, faciendum & quomodo, prospiceret, reversus ea examinaret. Pythagoras idcirco duo tempora maximè observanda aiebat, matutinum, ut quis tum agenda prævideat, & vespertinum ut ea recognoscat. Vnde & Sapiens: Palpebræ præcedant gressus tuos, ut videas quas gemmas colligere, quæ lucra ex re omni ut avarus solet. Nonne lucrum maximum ex omnibus amorem Dei colligere, & gemmam preciosissimam v. g. quoties domo egrederis aquam lustralem capis aut lavas, si pio habitu contritionem excites, vel amorem, quantum lucrum omnino incomparabile, & facillimum. Certè sanctitas in eo sita est & perfectio, quòd cogitationes, verba, & opera in pondere, numero & mensurâ, coram Deo & ad gloriam ejus sanctè & perfectè fiant, id imprimis curandū est, & Deus ac Dominus noster imitandus. Quemadmodum enim illè omnia opera sua in summo bene fecit, ita singula opera nostra quantum unquam melius possumus, facere debemus ex omni virtute Domini

*Prov. 4.
Quanta lucra
ori spiritualis
ocasio.*